

in wieder klein/ dann nim deß Antimo-
 nii ein theil/ vnd Honig auch ein theil/
 Croci Martis zwey theil/ alles zusam-
 men vermilchet/ vnd ein Oleum darauß
 gedistilliert/ das ist ein vber die massen ge-
 waltiges Del/welchs Lunam hoch in So-
 lem gradiert / vnd ist gewisse / du mußt
 aber die Materiam erstlich vier Wochen
 purificieren lassen/vnd darnach distillie-
 ren lassen/ so bekommestu in recht.

*Oleum Antimonii & Sulphu-
 ris* dienet ad Solis gradationem, ist in ei-
 nem Kloster in einer Mawren ver-
 borgen gefunden worden.

Nim Antimonium Sulphur jedes
 ein halb Pfund/stos alles zu kleinem Pul-
 ver/ feucht es an mit Essig/digeriers/vnd
 distillier es dann/so findestu ein Oleum,
 das mit keinem Golde zubezahlen. Wann
 die phlegma beginnet weiß zu werden/
 so höret man auff/ setze es dan in fimum
 Equinum, distilliers aber/vñ separier die
 phlegma darvon/ biß auff das rohte/ so
 in fundo bleibet/das behalt/ist sehr gut.

Wiltu